

大隱樓集

(明)方逢時 撰

李勤璞 校註

遼寧人民出版社

大隱樓集

(明)方逢時

遼寧人民出版社

目 录

序言	4
大隐楼集卷之一	6
赋	6
乐府	7
大隐楼集卷之二	10
四言诗	10
五言古诗	11
大隐楼集卷之三	20
大隐楼集卷之四	30
五言律诗	30
大隐楼集卷之五	36
七言律诗	36
大隐楼集卷之六	42
七言律诗	42
大隐楼集卷之七	48
七言律诗	48
耕籍礼成	49
大隐楼集卷之八	54
五言绝句	55
大隐楼集卷之九	58
大隐楼集卷之十	63
记	66
大隐楼集卷之十一	71
辩	73
大隐楼集卷之十二	78
大隐楼集卷之十三	85
大隐楼集卷之十四	93
大隐楼集卷之十五	96
大隐楼集卷之十六	105
大隐楼集附录一	131
大隐楼集附录二	146

图书在版编目 (CIP) 数据

大隐楼集 / (明)方逢时撰; 李勤璞校注. — 沈阳: 辽宁人民出版社, 2009.1

ISBN 978-7-205-06510-2

I. 大… II. ①方…②李… III. ①古典诗歌—作品集—中国—明代②古典散文—作品集—中国—明代 IV. I214.82

中国版本图书馆 CIP 数据核字 (2008) 第 183824 号

出版发行: 辽宁人民出版社

地址: 沈阳市和平区十一纬路 25 号 邮编: 110003

电话: 024-23284324 (邮购) 024-23284321 (发行部)

传真: 024-23284191 (发行部) 024-23284304 (办公室)

<http://www.lnpublish.com.cn>

印刷: 辽宁星海彩色印刷中心

幅面尺寸: 170mm×230mm

印 张: 25

插 页: 1

字 数: 400 千字

印 数: 1—1000

出版时间: 2009 年 1 月第 1 版

印刷时间: 2009 年 1 月第 1 次印刷

责任编辑: 张洪 田杨

封面设计: 杨勇 白咏

版式设计: 王珏菲

责任校对: 侯俊华 沈树东

书 号: ISBN 978-7-205-06510-2

定 价: 50.00 元

序言

秦汉迄清(DaicingGurun)，中华帝国在广袤的亚洲东部描绘文明画卷。因为地理的宿命，更因为世界史演变至海洋时代，明清以降外部威胁不光来自西-北的亚洲腹地，更须紧张看顾东-南的沿海和海洋。对古老的农业帝国而言，这两个方向上都广远无际涯，不知其深处正酝酿怎样的变化、会冒出怎样的敌人。一个强盛的朝代必须在这正相背离的大尺度空间取得进展或稳住阵脚，这个帝国必须是一位意志不颓废、精力不衰竭的“双面神”。

难得有这样的朝代。明朝的状况就最充分表现了这个庞大帝国固有的地理缺陷，帝国受到“南倭”（倭寇）与“北虏”（蒙古，Mong Y ol）的持久侵扰，最后亡於辽东边外先前渺小散漫的藩属部落女真（Juen，Jürid）。

方逢时（1523-1596）就是明代中华帝国这种空间特性的体现者。他出生湖北嘉鱼，嘉靖二十年（1541）进士，从此踏上仕途，初授宜兴县尹，几经迁转，嘉靖四十一年（1562）广东按察司副使，平定惠州、潮州一带山贼与倭寇，後长期在大同、阳和担任防卫蒙古的巡抚和总督，终官柱国少保、太子太保、兵部尚书。刚就大同巡抚任（隆庆四年，1570）即以周密的置挫败丰州滩（今呼和浩特地区）蒙古俺答（AltanQa Y an，1507-1581）的进犯，後因把汉那吉（Ba Y -aAi，1553-1583）的归降，首倡尽力达成俺答封贡（1571），朝廷赐俺答“顺义王”名号，沿边开市，嘉靖十年（1531）以来剧烈摧残明朝边陲的桀骜的右翼蒙古，从此纳入中华帝国的名分秩序和朝贡体制，这历史性转折，换来宣化以西沿边汉蒙间六十年的太平生活与文化混同，直到後金（AisinGurun）领焚毁归化城（1632）。

方逢时还工於诗文，尤其诗文没有怨艾。晚明诗家、同时也是方氏老友的王世贞（1524-1593）说他“未冠举进士，而诗已著名，此不有天授能乎？其後为令、为郎，为郡守、为藩臬大夫，治饷治兵，历三十余年，蹶而复起者再，最後遇上简知，由边镇督府陟大司马，辙迹几遍天下，所至题纪述俱载集中，其才情美，其音节调，其气豪宕不，其风度廓宏高远，而一无所阂塞，真有吞云梦、吐衡和、鞭风霆，而上下霄汉者，是艺林之大观也。乃其微又不易测，蹶不加歉，起不加盈，谤书入而无愧心，荐书入而无德色，威震华夷不言勇，权兼将相不言贵，此古大臣之度，每於其诗概见之。公庶几周公之流亚欤？”

无论在江淮、广东还是塞上，他“随地随事皆有吟，随辄工”，封疆大事、边墙地带的城堡山岭悉入诗文，都是亲历其间，非同一般文人的悬揣摹拟，杜甫诗号称“诗史”，方逢时的诗文则堪称“边塞记”；同时他自早年即在故乡筑大隐楼，憧憬归隐生活的“沧洲”图景，乃一位思想行动俱有风采的人物。文辞优美、视野宏大，呈现江南柔媚的大地景观与宣化大同古来戎马之区壮丽苍凉神奇的大地景观，状物多神来之笔，如羽扇：“大鹏扶摇起沧溟，修翎散作晴空云。随风乱落岱宗麓，良工巧製明月轮”；书事具帝国意识，如《胡笳十八拍》：“山河万里兮两界分，车书一统兮天朝尊。九关宁谧兮息妖氛，生灵允赖兮寿域臻。”向来内地社会轻忽的边塞事体被记录、美化，呈现于文明世界，促进帝国的一体化，供世人在宇宙间玩味深思。但在生前，他卓越的文学建树被其更突出的事功掩盖，以致诗名不彰。毕沅乾隆四十一年（1776）评论说：“语有之：太上有立德，其次有立功，其次有立言，是称三不朽者。夫立德尚矣，至功与言兼擅者弗少概见。盖富贵利达，不皆宏通雅之材；而抱蜀之士工於著作，开济之略则又细焉。世又兼综厥美，尊闻行知行不悖者，[有明]三百年间，於少保方公见之矣。”确实如此。

《大隐楼集》收录方氏见存的诗文。笔者几年前曾在俺答驱使汉人建立的 KkeQota（今

呼和浩特。明赐名归化城，1928-1954 年为归绥市；其中 1937-1945 年一度为日本操纵的伪蒙疆政权统治，名厚和浩特）恭谨阅读抄录，又亲履集中提到或描绘的大同、右玉一带边墙城堡，追想月黑风高之夜墩台军士的孤苦，置身寒冬右卫城寂寞的旷野，徘徊丰州辽塔之下，瞻仰初春草青时节的昭君坟，览美岱召、弘慈寺、乌素图召昔长城两侧人们的生存状态，感触良多。方氏的诗文刻画帝国景观、探讨帝国历来北方防卫的困难、纪录蒙古人的性情和行为、展现中华的教化原则，以深刻的历史意识抒发个人一地一事的、後套平原，翻览《绥远通志稿》，凭归绥市傅作义敬建的“华北军第五十九军抗日阵亡将士公墓”纪念碑（1933 年立，今墓园不存，地易为“公主府公园”，碑重立），对中国政教之在亚洲腹地的消长、今观感，有助揭示中华帝国的文明特性和行为逻辑，爰行点校，取汉、蒙、英、日文资料，间附个人研讨心得，酌加注释，受“国家古籍整理出版专项经费”资助，以正体字刊行流通。深望其优美的文学、有益的思考，跟其功业一起，介入现代中国的进程。固然现在已是互联网和太空科技的时代，“空间现实”与往昔完全样，但正像费正清所说，“草原的牧民族在现代西方进入以前，就为中国提供了外交和国际关系的背景”，我们可以借助方逢时的诗文，反省这个背景，修正中国的地缘意识。

我有幸得到多位师友的帮助。秋天以来经常在电话中就明代蒙古史文献，请教王雄老师（内蒙古大学）。薄音湖老师（Buyankuu，内蒙古大学）、殷宪先生（大同大学）、孙利中先生（呼和浩特市博物馆）、闫冰梅女士（内蒙古大学图书馆）书刊上惠予各种帮助，忒莫勒先生（Tüimer，内蒙古图书馆）代检丰镇志书；辽宁省图书馆特藏部周悦女士、刘冰先生及其同仁，辽宁省博物馆资料室赵姝女士，长久惠予阅书的方便；张本义先生（大连图书馆）对中国古典文明怀深刻的信念，承其惠赐法书，以颜封面；责任编辑多所协助，使得校注刊行顺利进行，于今统志感激之意。同时敬待读者的教正。

二〇〇八年十一月三十日

赣榆李勤璞谨识

大隐楼集卷之一

赋

拂赋

睠南土之遐逝兮，产嘉树之葳蕤。丽纤縠之缤纷兮，灿沃若以蔽芾。鍾炎德之纯懿兮，羗独異夫众卉。成华拂之旖旎兮，识良工之精理。龙髯秩其袅娜兮，凤毛偏而薏薏。纨扇虚其圆洁兮，抑又憎夫玉麈之诲侈。託舟车以为乘兮，载历涉乎万里。经都邑之绮靡兮，厌群情之訛。思美人而远貽兮，珍彤管之有炜。愠蚤虻之噂兮，藉指挥之能事。瞻广庭之寂兮，披文轩之素几。充提携於左右兮，奉周旋而孔迤。蒙君子之光盼兮，抱一德以终始。愿时迈而无违兮，保岁寒之高轨。

乱曰：柔加抑谦怀明德兮，与时偕行进退则兮，式遏青蝇远谗慝兮，辟攘污垢蹈芳洁兮，赞此咏歌如金石兮，媲美如意永无斁兮。

画角赋

万窍噫于大块兮，太和鼓于人心。粤兼总于一气兮，肆协比乎八音。繁维兹之画角兮，畴肇锡此嘉名。窃餘音于韶濩兮，遗轨于咸英。效伶伦而截管，希滑延以施簧。应八风而不爽，顺五气以成章。流徵间羽，移宫度商。殊鸣球之戛击，匪钟鼓之铿锵。呜呜兮轧轧，喔喔兮嚶嚶。悲迴风兮断续，哀永夜兮凄清。乃若茫茫鴈塞，莽莽龙庭，三军独垒，千嶂孤城，白日沉兮昧谷暗，皓月升兮瀚海澄。衔枚野宿兮旌旗捲影，登陴固守兮刁斗停声。或倚楼而三弄，或按节而一鸣。风飕飕兮夜未艾，天昏昏兮日未生。荒雞闻而响应，旅鴈起而群征。梦断元戎之幙，魂销壮士之营。霜气凝兮锦裘纈，星光闪兮宝刀掣。关山隔兮音书绝，战鬪苦兮寇未灭。临风兮抱月，餐冰兮卧雪。淚盈睫兮半成血，髮冲冠兮皆欲裂。怨莫怨兮肠九迴，悲莫悲兮气屡结。别有空闺嫠妇，远地羈臣，含情无语，怀忠莫申。灯荧荧兮照影，室耿耿兮伤神。褰帷殷耳，欹枕婴情。思藁砧而不反，赋怀沙而靡听。恨经年兮离别，惜往日兮屏营。歎芳华之易谢，感嘉会之难并。梅花落兮岁云晚，杨柳折兮春复零。信良工之妙理，異俗乐之淫哇。单音奏而有斐，群听寂而无譁。遂使桓伊俪指于长笛，文姬废拍于胡笳。湘灵断絃于锦瑟，明妃敛拨于琵琶。寄幽怀兮一喻，发高韻于天涯。

黄杨赋

樗野散人遊於章贡之濱，憇於水西之亭，厥有丛木孤植于庭，苍枝樛错，碧叶缤纷，团如翠盖，蔚若青林。顾谓童子：“此木何名？”童子曰“噫，余冲罔知，命物未详，闻诸父老，厥称黄杨。材质坚细，可为图章，琢磨雕刻，玉石同光。其为性也，终岁所息，仅逾毫芒，闰餘之岁，反缩弗长。故谚有之：闰厄黄杨。君胡未达，而询之详？”

野人怅然，俛而思，仰而歎，曰：有是哉！造化小儿，其以是戲邪？夫长之难则然矣，闰而缩何故哉？将造化者之欲神其用也？胡不於榧、楠、杞、梓，蒲、苇、榆、柳之皆然，而顾劳其机於斯一木之微也？夫一气纷扰，万有不齐，或迟而速，欲速或迟，物各值於所遭，有非司命之所能移，矧夫干霄巨木，匠石斯戕，穀桑夙拱，谓之不祥。既忘情於速化，又何憾乎黄杨。

乐府

气出唱

天地生万物，一气如陶钧，云行而雨施，四海皆阳春。阳春无私万物熙，胡我不乐多忧思，胸臆壹塞君岂知。不弹绿绮琴，白头不堪吟；不诵灵均辞，怀沙伤人心。请为气出唱，唱出意何深。

精列

秋风生洞房，寒气日夜侵。怀人不能寐，感此精列吟。机杼良独劳，寒衣犹未成。一吟双淚下，再吟百忧并。高堂有姑身已老，征人梦遶关山道。听此令人欲断肠，殷勤莫近征夫牀。

江南

依行江南道，为爱江南好。五月不热莲花开，兰舟桂楫采莲来。莲花艳艳叶田田，花里相逢记去年。去年花复红，去年人不同。迴船罢桨莫匆匆，江南岁晚多秋风。

度关山

度关山，关山万里路行难。朔风吹雪昼漫漫，贺兰山杳杳，黄河水潺潺，故园春老梦阑珊，音书不见鴈飞还，征衣湿透涕（涕）洟澜。度关山，摧肺肝。

东光

朝日初出升扶桑，乾坤万里同辉光，金门玉阙何煌煌，重瞳圣人坐明堂，八伯稽首和天章。和天章，声洋洋，黎民时雍，兽舞凤翔。太和流行生祯祥。

十五

太阴出东溟，清光何皎洁！值此三五夕，风露浩澄澈。琼楼玉宇光陆离，美人侑酒歌重辉，管絃嘈嘈夜迟迟，千秋万岁愿无违。

覬歌

江汉滔滔，朝宗于海，脩我侯度，敬慎靡怠。皇皇大君，穆穆德容。照临下土，日月其同。一二臣卫，壤莫是贄，再拜稽首，其仪不忒。其仪不忒，式是耿光。明明天子，万寿无疆。

对酒

君明臣良，天下太平。君明臣良，天下太平。野老讴歌，帝力难名。帝力难名，乐此岁康。况有甘酒，花下徜徉。既醉且歌，起舞踉跄。山妻稚子，怡怡奉觞。人生百年内，好醜亦何常。但愿岁岁花前对酒歌明良。

鸡鸣

沧海日未升，鸡声何喔喔。田父中夜起，三星烂明烛。男能耕女能织，早起辛勤戒偃息。输租莫待吏到门，厨有饱饭衣有裋。鸡既鸣，夜向晨，勿谓恶声君不闻。

乌生

乌生子，在南山。维石巖巖，尔巢尔安。朝哺雏，暮哺母，子母相依时八九，秦人之子来何许。金丸一发双翼摧，墮落巖谷迷东西，中夜哀鸣，风露凄凄。鹿在林，肉为脯，鱼在渊，罹网罟，嗟嗟乌生亦何苦。

平陵东

玉玺螭角折，金台鸱目张。桓桓丞相子，起兵来东方。吾族不可顾，汉恩不可忘。天心未助顺，兵败身亦亡。英风动宇宙，青史有餘光。悲哉平陵歌，千载令人伤。

东门

出自东门，路阻且紆，我心孔悲，我行踟蹰。我有嘉谋，君不我庸。我有好仇，君不我同。我行日远，君心日缓。邦之机矣，维君之瘡。维君之瘡，不可奈何，君之听之，东门之

歌。

陌上桑

陌上桑，何青青！闺中蚕飢，采之筐未盈。使君从南来，车马若流星。停车周道傍，遣吏三致辞。感君殷勤意，罗敷不是路人妻。夫婿侍中郎，潭潭府中居。结髮共偕老，永矢心不渝。陌上桑可枯，妾身不可汙。愿迴使君车，莫使邯郸儿，笑杀使君愚。

饮马长城窟

饮马长城窟，窟深水更寒，侧身攀丝韁，矫首望长安。长安不可见，胡尘暗重关，重关迢迢玉门隔，汉月流光关外白。古来征战几人还，肠断天涯空歎息。君不见，城邊沙草浩漫漫，白骨稜稜草间积。

上之回

上之回，祀汾阴，皇衷渊默厌天心，瑶坛乐奏钧天音，祥禧永锡无氛侵。

上之回，朝明堂，百辟济济承圭璋，四门穆穆颂声飏，天子万年寿无疆。

上之回，居深宫，龙旂玉辂飘春风，万姓鼓舞途路中，吾皇乐与万方同。

胡笳十八拍

天王有道兮守四夷，殊方来贡兮岁无违。狼烽熄灭兮尘沙不飞，韬戈卷甲兮朝田暮畦。歌声欲发兮胡笳吹，一拍初举兮乐雍熙。

日融融兮塞草芳，风习习兮吹衣裳。边头女儿试新粧，十年不见胡尘扬。朔方土寒无蚕桑，拾青踏翠娇艳阳。笳再拍兮美无央，风前淖约兮罗绮香。

阳和台上东风早，杏花榆筴村村好。村中酒熟瓮头春，陌上行人能醉倒。花间笑语多，野无鸣镝兮人无负戈，悠悠三拍兮谣且歌。

登高台兮望大荒，长城如虹兮界殊方。番儿欢呼兮驱马与羊，交关入市兮济济踉跄。白日皎皎兮浮云黄，风前轧轧兮四拍张。云中、上谷兮古战场，游魂怨血兮天茫茫。大明有道兮如虞唐，呼韩稽颡兮称来王。干戈载戢兮弓矢斯藏，冰雪消铄兮雨露瀼瀼。禾黍盈野兮我理我疆，五拍张絃兮颂声洋洋。

笳声欲歇六拍催，塞垣秋草鴈南迴。乡书欲达意迟徊，关山万里无兵灾。城南少妇歌莫哀，岁云暮矣当归来。

明月初出兮青海头，寒光夜夜兮临高楼。管絃嘈嘈兮灯彩流，大呼六博兮挥琼骰。十年空尔兮觅封侯，七拍无声兮弹吴钩。

锦衣侠客远服贾，岁岁边庭市胡虏。时向高楼买笑歌，囊里青蚨散如土。醉来忘却是他乡，不知帝力吾何有。美人罢舞兮小垂手，八拍将阑兮寂无语。

榆叶黄兮霜气清，元戎曜武兮开连营。长笛短箫兮相间鸣，健儿马上兮意纵横。龙鞬虎錕兮蛛网紫，伊吾何处兮云冥冥。三关此日兮歌昇平，君听九拍兮胡笳声。

天清睥睨人如蚁，争看胡姬来入市。身骑骠马如龙，布姑蒙茸锦贴里。平沙深夜兮月如霜，胡歌如泣兮复如伤。十拍终兮幽怨长，千年遗恨兮青塚傍。

秋风飒飒兮秋雨晴，黄云冉冉兮郊野横。刁斗不闻兮鸡犬鸣，万户欣欣兮岁有成。十有一拍兮何泠泠，龙城日落兮山峥嵘。

场圃既涤天雨霜，边人岁暮愁无裳。平明出猎阴山傍，弯弧射杀双白狼。衣皮食肉乐无疆，沙尘不惊白草长。拍声十二兮翻胡腔，绝胜梅花落楚江。

胡天八月即飞雪，单于远遁阴山北。夜看猎火照平原，晓持双鹿献辕门。圣朝恩泽何深厚，单于为祝天王寿。十三拍兮鼓吹希，三军拜舞兮歌裳衣。

威宁瀾瀾兮草离离，骊黄如云兮骋殊姿。虎皮文鞍兮锦障泥，珮弧嘴矢兮光陆离。献之明堂兮列天墀，惟德之致兮皇心允怡。渥洼大宛兮夸神奇，劳师万里兮将奚为。十有四拍兮音和谐，汉庭空歌兮天马来。

七十老翁兮歌康庄，家住鴈门兮鬓如霜。一身幸全兮戎马乡，于今喜见兮胡儿降。兵气

永销兮日月光，妇子相保兮饘糟糠。十有五拍兮调转长，仰视浮云兮随风翔。

云旌羽旆兮合复开，将军出猎兮青海隈。万人欢呼兮鼓喧豗，飞箭劈云兮双鹗摧。胡儿马前兮喜且骇，汉家飞将兮今复来。草中割鲜兮倾醕醅，凯歌齐唱兮将军回。十有六拍兮音徘徊，从军之乐兮乐无涯。

山河万里兮两界分，车书一统兮天朝尊。九关宁谧兮息妖氛，生灵允赖兮寿域臻。胡笳叠奏兮音调新，十有七拍兮四海春。

十有八拍兮曲已终，尧天舜日兮今古同。九夷八蛮兮梯航通，除兇雪耻兮难为功。陈太史兮铭鼎钟，千秋万岁兮垂无穷。

大隐楼集卷之二

四言诗

显命颂成功也为大夫陈惟举作

於皇圣明，奄有万方，祇适虞夏，成赋中邦。任土作贡，厥有经常。无远伊迓，惠保无疆。

厥赋维何？曰维斥鹵（虜）。兑泽攸鍾，为利斯溥。维皇顺天，裁成相辅。俾民有恒，国用斯取。

诞彼巴蜀，至于滇南，厥土奥衍，介彼戎蛮。凿井渊渊，厥流潭潭。掎克贪暴，民力瘁瘵。

维皇西顾，曰维民痛。乃咨相臣，乃召司徒。慎简乃属，往釐其逋。岂曰聚敛，维民之舒。

彼美陈侯，服采之英。有猷有为，令德之行。简命是膺，蚤夜以兴。驾彼四牡，薄言南征。

岷山峨峨，洱海洋洋。陈侯于迈，四牡孔良。载驰载驱，夙夜靡遑。宣昭令德，不柔不刚。

陈侯蒞止，西人是迎。陈侯至止，西人是宁。匪尔利是，争匪尔力。是刑维国，用是经维，尔害是撓。

睠兹南服，寔维利源。人之罔极，厥维罪垣。如彼焚溺，是扑是援。攘除奸蠹，美利斯蕃。

美利蕃止，陈侯归止。言归于京，敷奏于庭。徽猷允宣，惠言底行。帝曰休兹，维司农卿。

帝休如之何，显命孔锡。侯拜稽首，匪臣之力。维天子之德，维皇受命。永清四国，无有远迹，毕献方物，於戏休兹，允维臣则。

《显命》十章。九章章八句，一章十一句。

受命纪戎绩也为大司马张公作

於皇圣明，受命配天。诞育万方，于万斯年。穆穆诸夏，从义靡愆。爰及蛮貊，罔有弗宣。

蠢尔岛夷，越在南纪。恃险弗茹，为鼠为兕。训迪不率，轶我疆鄙。皇赫斯怒，爰整其旅。

整旅扬扬，伐鼓逢逢。有虔秉钺，时维我公。维公令德，克慎克恭。克壮其猷，以奏肤功。

厥功允成，帝心以宁。有命自天，来自于京。维兹百粤，邦之南土。民之多辟，匪今伊古。

天池汤汤，五岭茫茫。矧是岛夷，肆侮跳梁。亦有顽民，弗率弗臧。敢攘矫虔，与夷偕行。

维帝南顾，永念弗率。畴咨徂征，靖彼反侧。维公懋德，厥有成绩。简在帝心，显命孔锡。允文允武，式是南国。

维公受命，弗遑宁处。自秋徂冬，陈师鞠旅。于彼苍梧，至于循只。我武维扬，赫赫几几。

三军既戒，百蛮震惊。执讯获醜，匪矜匪争。凶顽是除，群黎是宁。罔有逸德，海邦克清。

海邦其清，百室其宁。诞彼耄倪，壶浆以迎。我有子孙，维公斯生。我有田畴，维公斯耕。

周道其紆，建旄设旗。维公其归，虎旅前驱。公曰归只，于彼苍梧。曰公归只，于彼帝都。

公归帝都，玉珮琼琚。左右帝躬，秉衡执枢。式敷明德，万邦允孚。岂曰即功，维兹海隅。

《受命》十一章，一章十句，十章章八句。

五言古诗

谒陵甲寅春

群山亘坤陆，峻极凌天中。嶂堕飞鸟，蜿蜒惊游龙。扶輿萃清淑，大块凝洪濛。云开屏障迥，日照丹青浓。琼楼俯碧嶂，玉殿临丹峰。寂寞鼎湖驭，凄恻桥山弓。袞祀走百辟，祇肃来群公。骏奔竭臣情，燕翼凝皇衷。神光烛洞户，佳气浮城封。圣图启万禩，天寿极无终。咸阳与金粟，谩尔夸崑崙。

赋得仲宣楼送张伯端编请告还江陵

东都有高士，避地来南荆。时登江上楼，悲啸望旧京。中原万里隔，云树空青冥。落日生苦颜，感极还自惊。作赋抒幽素，乃垂千载名。君行反初服，胜迹多所经。振衣凌层轩，慨然念前英。远览穷宇宙，深居寡将迎。赏心既愉悦，允惬沧洲清。怀古发高调，为寄琼瑶声。

送刘职方之南京

忆昔金陵遊，频登凤凰台。凤凰去已久，台空翳荒莱。秦淮逝悠悠，锺阜高崔嵬。鬱鬱蓬萊宫，五云漏不开。鸣鸟西北飞，流音相喧阗。美人灵凤雏，文章耀三台。翩然乘长风，览德今当来。春华敷梧桐，竹实烂如苔。我欲往遗之，江流苦洄。愿言赠此辞，用慰平生怀。

报国寺与吴明卿话别

君子远行迈，沐然伤我心。相送春明门，日夕过禅林。是时仲夏交，溽暑撓烦襟。兀坐展言笑，暂息双树阴。羊城瘴雾繁，鴈塞愁云深。行行各万里，瞻竚思难任。璞玉无浮彩，大雅多希音。良工既鲜遇，子期不可寻。志士操苦调，达人肆高吟。茫茫宇宙间，万有殊升沉。委顺随所适，冰炭胡能侵。愿言慎所之，有酒还自斟。岁暮当归来，采芝楚山岑。

送谢郎中守临江

春风吹杨花，飘落散如雪。客心悲芳时，况复远离别。与君共朝参，倏忽岁屡阅。同心契金兰，高谊薄云月。君子服宠命，熊轩拥双节。翩然大江南，嘉郡雄楚粤。虽慰平生怀，奈此离绪结。执手远送将，初日照行色。君行过闾里，桑梓脩展谒。悠然念吾庐，其如久睽隔。为问山中人，桃花几开歇。

感怀

赤日下西山，餘光射窗户。独坐增永歎，良时倏焉暮。胡为走天涯，毋乃饥寒故。昔人愧温饱，衡门乐真素。行矣归去来，迷途莫终误。

出郭遇雨

浮云蔽层空，微雨洒平陆。苍茫煙景暮，萧飒风气肃。丰草萋以腓，茂树蔚仍绿。抚景惜时迈，感物知化速。北门歎昔贤，南山怀旧服。长尔恨羈旅，何由反邦族。

九日王参军宅燕集

端居感时序，佳节竞追逐。张宴集嘉賓，高会列华屋。徵歌尽遶梁，妙舞惊鸿鹄。微谈极幽旨，雅兴转清淑。宇宙浩无穷，阴晴固难卜。所希常道泰，兹会与时属。

凉风

高柳夹广途，丰草被修渚。凉风生远天，倏然涤烦暑。赏心既愉悦，幽意自容与。扣舷歌沧浪，莞尔和渔父。欣此物外情，悠悠忘羁旅。

河水

河水清且涟，东逝日悠悠。客心思远道，行役何能休。元（玄）蝉号木末，蟋蟀吟沙头。怀哉此何时，飒然天宇秋。风气渐凄薄，大火已西流。众芳委摇落，时迈不可留。端居百感集，歎息此蜉蝣。

阅耕淮浦有田数顷

寒风凄平原，白露沾丛薄。凤驾从田父，载耜向南郭。宿莽勤剪除，荒畴肆经度。秋深天宇净，骋望极寥廓。登高发孤啸，悠然和扣角。谁云四体疲，爱此群居索。余生免负担，雅志在邱壑。信美非吾土，庶用资藜藿。詠言意已勤，愧彼伐檀作。

赠万总兵谢病还江东

元戎起南服，仗钺来淮阳。谈笑坐玉帐，风云动四方。桓桓驰先声，妖氛扫穹苍。功成不自居，拂衣还旧疆。

旧疆何迢迢，远在沧海滨！鲸鲵鼓洪涛，白昼腥风昏。连营有长弩，欲射万里云。之子不在取，组练徒纷纷。

纷纷将何成，江海日萧索。艰难不自保，天心詎能度。驱马临长途，浩浩云水白。岁暮怆離怀，伫立空歎息。

歎息意已勤，元阴蔽南陆。霜露凄以繁，日短客虑促。白驹驾言迈，駸駸向空谷。言念不可留，劳歌乱心曲。

观渔

江浦春欲来，暄风破初冻。方池暖更多，泌沸清波湧。渔师理烟艇，举网凌瀕洞。汎汎出涡盘，锦鳞歛飞动。物情各有适，悠然念拘纵。大化涵浑沦，生成极殊种。竭泽岂余心，临流目长送。

射

雪消风日暄，天净川原敞。端居耻无营，弯弧集吾党。势加飞鸟外，气遏行云上。侯抗苍茫开，的破青冥响。书生非燕颔，壮志怀虚想。天山大荒北，胡尘暗穹壤。安得十万师，为君横扫荡。功成拂衣去，笑谢封侯赏。

途次暮春

高柳暗周道，飞花散晴雪。劳劳风尘里，驰车无停辙。晨兴沐清露，宵征载新月。惻怛心靡夷，惜此芳时歇。

述怀

繁星丽高天，灿灿各有行。人生大块中，流转安可常。惊飈吹游云，飘散忽四方。登高骋遐望，神州浩茫茫。乘坚策肥骊，历览周八荒。长揖广成子，万里同翱翔。安能自跼蹐，徒尔抱悲伤。

鸿入寥廓，弋者徒兴思。曾以志士流，而乃自困为。得失固有命，圣贤其能违。驾此俗士车，蹙蹙将安之？胡不饮美酒，高歌《衡门》诗。秋山薇蕨长，可以充吾饥。

陶潜

南州有高士，放达称陶翁。少仕不求显，老入庐山中。超然谢世网，沉醉混愚蒙。裘褐或不继，饔飧亦屡空。怡然意自如，妻子无愠容。时复吟新诗，雅义追《国风》。寥寥千载下，畴能践幽踪。

使淮留别京师旧遊

銜命发京邑，扬帆涉广川。朋俦重远别，尊俎罗芳筵。欢言意方愜，感念心凄然。暑雨晓初霁，云树纷相妍。行役岂不劳，悲歌愧独贤。怀哉千里道，敦好矢弗援。

泊莲窝驿怀胡少府择

飞雨海上来，苍茫四郊暗。遊子念前途，维舟傍绝岸。睠然思往辙，临流发永歎。佳人不在兹，晤言阻歎宴。嗟此行跡乖，天长波漫漫。世运转艰虞，荣名苦相绊。深衷谅自许，苦志经多难。劳歌思杳然，秋云暮零乱。

闲居杂兴

时至物候变，化虫揭枯茎。颖脱成蜚蜚，仰吸风露清。长鸣振乔林，高韻希琴笙。下视粪壤中，岂复知往形。人生贵能变，择善以自鸣。勿为纷浊污，徒使微物轻。

孟夏气已達，草木滋且浓。濯濯华林中，亦有憔悴丛。一气谅匪私，栽培岂殊功。纷扰自万变，不齐见神功。命也可奈何，委蛇待其终。

朝行南山麓，群卉竞芳鲜。小大纷嫋娜，弄影春风前。颜色岂不华，未为时所妍。秋气动巖阿，沦落归道邊。託质恨非固，岂复暇自怜。我愿植其实，谢此众婣娟。

水涨江汉同，茫茫俱宗海。乘此一苇微，中流忽颠沛。嗟非万斛舵，欲与长风会。四顾无津涯，颜色忽丧败。胡不行高原，望洋空自悔。

仙人操赤刀，默默中林坐。驱役虎与豹，左右无不可。樵夫一以见，心神喜欲堕。乘窃持之，指挥纷屡胜。群虎怒相搏，躯体委藁莖。嗟哉昧至理，复用为身祸。

西施出吴宫，含笑弄殊态。既悦君王心，复使群情快。无塩企娇宠，顰眉过通。市儿竞掩目，恬不知自怪。吁嗟非至颜，何能得真爱。

黄帝张云门，于彼洞庭野。声容感万象，凤麟飞舞下。悠悠五千载，天地久喑哑。平湖潏无涯，波涛日奔泻。湘灵不可招，谁是知音者。

天人曳琼琚，盘辟玉皇宫。群仙共翱翔，威仪何雍雍。遗迹去莫攀，青黄万目盲。章服日炫耀，奇诡不可宗。安得伯意氏，一还纯古风。

太微悬法象，圣人制天刑。昏桀既以息，万古称其平。矜矜者谁子，峻急罗礚鏘。敝踊贵齐市，赭衣盈秦庭。民命真可惜，吾亦爱其生。一体有至理，得情重哀矜。

燧人始火食，鼎鼐资飪膳。民用无夭折，万物遭煎燔。养生孰云非，饕餮亦以饕。酒池与肉林，末流逐波翻。所以楚夫人，割鲜不肯餐。

结绳世已远，六书亦复讹。史籀且陈跡，程李安足多。奈何道益衰，群儿弄嫋娜。龙蛇矜巧妙，岂识古意差。彝鼎不复作，三复石鼓歌。

灿灿六经文，日星丽璇玑。昭光烛下土，万古恒如斯。区区诸子流，笺註虫鱼微。大义日已乖，多言转支离。遗编束高阁，歧路纷追随。

轩辕裂车轮，万古启驰道。回旋贯六合，驰骋同所造。自从春秋来，荆榛久芜茅。芟薶勤诸公，六经总輿导。孰云七圣迷，而以千载。

悼亡

我有一端綺，灿灿云锦章。奇文巧盘结，中有双凤凰。天孙弄并刀，一破东西翔。谁能复合此，零乱丝空长。

东轩

初月堕西岭，餘光照东轩。夜久群动息，中庭霜气繁。悠然起遐想，邈尔忘世喧。安得同心者，相从一晤言。

山中秋兴

山中秋欲尽，寂寂生暮寒。霜露气始凝，草树日以残。抚景发高兴，邱园任盘桓。仰视天宇清，击节歌考槃。此意谁与会，归禽满林端。

三载归节钺，躬耕来东山。虽非负良郭，聊足供盘餐。荷担输井税，宁辞辛与艰。岁晚

得优游，邻里多欢颜。缅思郑子真，风流或可攀。

露重蓼花白，风高榆叶黄。感此物候变，日夜忧思长。洪流泛七泽，波涛浩茫茫。民生信多艰，及兹转彷徨。孰云江湖远，怀哉讵能忘。

依依松竹间，惻惻情思多。美人在天末，奈此风露何。岂无云锦裳，欲遗隔江河。云间双飞鸿，高翥不我过。伫立日云夕，苍山鬱嵯峨。

散步登高冈，暮色侵人衣。荷笠者谁子？呼牛涉前溪。相见意踟蹰，欲语还歔歔。力田诚已疲，农家恒苦饥。珍重此乌犍，留以供春苗。

轻雯翳遥空，落日耀黄金。湖水净沉壁（璧），连山紫翠深。行行历青林，水鹤多清音。欣此农务毕，旷然独远寻。来往征途中，伊谁称素心。

秋燕

凉风动广野，寒气日夜生。翩翩振修翼，高翥凌云征。华屋如崇阿，危巢丽雕甍。拮据良独劳，永用资生成。一朝舍之去，恋恋群飞鸣。岂无旧主怀，惻怆中自撓。寒暑信天运，来往皆无情。吾今顺所适，悠悠复何营。

南鴈

白露下龙沙，塞草凄以黄。瀚海风力劲，群呼竞南翔。天路岂不劳，奈此冰雪乡。洞庭与彭蠡，荡浩浮朱方。飞飞洲渚间，神运机亦忘。时运有代谢，居处安可常。消息有至理，孰云徇稻粱。

留鹤鹿

卓犖青田姿，不与凡鸟俦。翩来紫塞，三年共夷犹。长鸣警宵露，屡舞当清秋。寒风起边树，惻惻生离愁。我行有程期，命驾趋皇州。岂无双文轩，载尔随前輶。去住各有怀，于义尔当留。临风鼓修翼，徘徊遵道周。深衷蕴素臆，欲诉知无由。珍重缙缴场，毋为稻粱谋。

野性本难驯，何事自羁束。蒙此豢养恩，遂尔忘林麓。呦呦走堂下，双鹤伴清淑。高榆荫广庭，恬卧见攸伏。时时顾群侣，食苹喜相逐。去去空尔留，棄置怜幽独。世途多机穽，慎勿妄抵触。我本山中人，遭时困朱紱。长林与丰草，於尔颇同欲。

立冬前一日太宰王公枉顾，花下小酌

秋色忽云暮，黄花尚盈枝。山公命高驾，念此岁寒期。欢然酌尊酒，谈笑无猒时。官舍何寂寥，中厨荐霜葵。知君爱寒素，不复言疏醅。高论激风雅，善谑或解颐。青灯照花影，夜久白露滋。三嗅意未已，欲别还踟蹰。

玉簪花

红紫以时谢，灼灼见华姿。莹然荆山质，照耀此轩墀。雕琢出天巧，不作闺房资。矫如江海士，高步绝尘淄。新秋破残暑，白露渐离离。吾将散髮遊，须尔冒接。

途次风雨

风雨海上来，中夜声潺湲。微凉入疏帟，客思何翛然。不复念濡滞，且喜烦暑蠲。晨兴发长啸，欣此景物鲜。睠彼鸥鹭群，飞鸣向高天。沧洲寄吾道，与尔同翩翩。

雨餘新水涨，风帆遡流翔。草树何欣欣，蔚然古道傍。归客有佳兴，散髮坐篷牕。回眸向天末，浮云翳朝阳。熹微远沙上，英英如飞霜。美人隔芳洲，中心讵能忘。

羽扇

矫矫江海姿，翩翩振修翰。虞罗亘天衢，委身青云端。感君擢拔恩，宛转承餘欢。既清烦暑毒，永绝尘土干。顾盼足光彩，纷纶间罗纨。愿言託终始，秋风忽以寒。踟蹰临前轩，初质幸自完。谅彼君子心，岂忍捐彫残。时运有代谢，篋笥义所安。嗟彼班婕妤，齐纨何足歎。

立秋日次芜湖霖寰李主事招饮小东山

江流澹晴晖，落日动秋色。归人念征途，濡滞屡晨夕。仙郎青云兴，展席藉萝薜。遥峰凝暮紫，澄波映空碧。欢譙惬心赏，胜览穷楚越。二仪涵混茫，万有尽毫末。长啸凌洪濛，

幽探极冥默。信美不可留，詠言寄苍壁。

张子珍茂才归自京师，访予山中，酌酒话旧，因赠此诗

炎州有奇士，矫矫熊虎姿。雅尚薄章句，请纓志当时。有仇不共天，欲报常拊髀。倾身结死士，不惜千金贄。经营三十年，竟僇仇人尸。英声震山海，苦心谁复知。忠魂久沦没，何以慰孝思。不惮跋涉劳，叫阍叩丹墀。精诚动白日，高天降紫泥。九原幸昭雪，始识男儿奇。昔予馆兵符，与子相提携。借箸尊俎间，四顾风云驰。子真国士流，飞腾何迟迟。青袍滞儒冠，两鬓霜华滋。正马燕山来，移舟过江湄。踟躕访蓬荜，灼灼承光仪。握手话夙昔，感歎成於戏。腐儒媿盘餐，煎韭行春卮。相将万里别，醉折杨柳枝。

乡人送李成十一

江城溽暑时，燕息坐虚牖。渴思苦烦鬱，沉沉如中酒。皤皤田舍翁，用意亦何厚。采采园中实，青囊满双负。珍重题素封，情真忘好醜。感此殷勤意，欣然起拜受。琅玕照眉宇，倾筐仍细数。操觚汲深泉，冰盘荐盈缶。寒浆溅齿颊，酸澁亦间有。岂堪供鼎鼐，祇可实甌瓠。儿女竞分甘，投赠比琼玖。

足疡偶述

梅雨生暮寒，湿气蒸衰躯。两足病新疡，舄履成艰虞。兀坐在小楼，凉风来徐徐。遂与懒性惬，颓然忘步趋。袒裼霄汉，浮云自卷舒。因思少壮日，奔走山海隅。兵戈与簿领，疲薾相萦纆。忉忉怀百忧，对酒不能濡。天其念衰朽，不忍久驰驱。赐之云梦野，偃息依桑榆。牀头有浊醪，架上多残书。兴来自斟酌，时复搜蠹鱼。心神既愉悦，形骸本空虚。因兹悟至理，中心常晏如。

假寐

野老本无事，况此风雨晨。燕坐成假寐，放神遊八垠。万物各纠纷，何者属吾身？所以古至人，与世淡无亲。富贵与贫贱，飘忽风中尘。淙濯同渐尽，泰宇涵天真。兹意且无极，寤言将谁陈。

秋日寄王参军

忆昔将北征，寂寂岁云暮。积雪盈广衢，寒风振高树。怅别感君心，载酒过清署。依依延永夜，雅谈发真素。如何千里隔，流光速如骛。春华既云谢，朱明亦移度。四野结秋阴，凄其感风露。因时眷佳侣，惻怆怀中路。区区抱微衷，詠言遘良晤。欲寄云间鸿，高飞詎能顾。

长乐行台独射

秋气散炎蒸，凉风动山郭。地僻寡朋俦，弧矢聊自乐。平生桑蓬志，驰骋驾寥廓。蹉跎四十年，清霜沾鬓脚。时来奉简书，天池剪鲸鳄。貔貅三十万，杀气凌磅礴。飞簇穿长云，坐见旄头落。露布传天涯，笑拥青油幕。贾勇愧儒冠，欢呼命康爵。（时督兵征叶寇，大捷）

丁亥二月四日黄沙蔽天，寒气颇甚，感时思事，情见乎辞

东风吹黄沙，白日黯不光。阳春候已半，寒气侵衣裳。时运不可测，天心詎能量。农人未举趾，穡事虞相妨。转盼五六年，旱涝兼虫蝗。百里千万家，啼号干穹苍。况闻中原境，赤土连齐梁。攘夺日纵横，僵屍满周行。野人怀隐忧，倚杖思彷徨。

小山登眺

崇山峙淮甸，绝巘凌穹苍。登高骋遐眺，秋色连大荒。浊河鼓洪涛，沧溟涵渺茫。萋萋百卉腓，猗猗万木黄。海鹤巢云根，塞鸿下烟江。观物衷已惬，怀仙意何长。巖栖谐夙心，林卧忆故乡。世途尚多端，我行天一方。何当鍊金液，永谢白玉堂。

浴日亭延飨将佐纪事，和督府吴公

上将连天枢，神谋秘星罗。轩腾帆楼舫，突兀凌洪波。指顾铜柱标，荡涤扶桑柯。鲸鲵既以除，狐鼠其如何。朴楸诸元兇，剪灭同残倭。风云生俎豆，霖雨随干戈。奠邦宣皇威，洗兵挽天河。万象尽昭回，百灵齐护呵。清平见鸾凤，幽暗无妖魔。丹霞绚高林，碧景浮轻

艤。羊城静言言，粤台高峨峨。父老竞壶浆，儿童纷讴歌。耕农有新耜，红女无棄梭。佇见金甲销，能令玉烛和。

太平宴感述和督府吴公

秋风生日南，花木有餘菲。王师罢东征，战士歌裳衣。折冲心独劳，戡定愿无违。壮猷屈群策，深计冒众非。推轂蒙帝力，秉钺扬天威。苍茫岭海间，倏忽巘嶮夷。有客笑满堂，无人泣向隅。百蛮同贄贡，万姓起颠痍。献捷驰羽书，饮至罗尊彝。鱼丽赋在藻，鸿仪渐于逵。初筵礼乐备，三锡恩宠殊。燕喜昼方永，言旋夜何其。儒冠多激烈，賡歌詠勤劬。

宿潞河驿

朝出春明门，暮宿潞河驿。寒日下平原，朔云迷广陌。行迈心靡夷，戚戚抱凄恻。王事日鞅掌，世途转崎仄。元冬燠如春，黄尘翳天末。气机信多讹，调燮岂乖术。真宰不可求，天阍九重隔。抚景一悲歌，长空羨归翼。

鹿门山

龐公避世士，栖迹鹿门山。终岁事耕凿，日夕掩柴关。理乱不复闻，况乃得失间。浮云自卷舒，中心寂以闲。清风洒宇宙，千载不可攀。仰止思遗迹，愧此尘土颜。

卧龙岗

炎精日以殒，四海纷戈矛。先生陇中卧，抱膝怀隐忧。三顾幡然起，慷慨陈宏猷。经营四十年，大义震九州。天运不可回，身死志未酬。大名字宙间，白日悬清秋。驱车南阳郭，高冈翳林邱。龙去今千载，云烟空悠悠。瞻顾独徘徊，今古仰遗休。

别离曲

青骊驾双轮，宵兴戒行早。君今何所之？西上长安道。关山千里遥，跋涉尽尘潦。君志在四方，肯向蓬邱老。贱妾守空闺，幽思恒自保。紫兰生春风，黄霜殒秋草。时物有变迁，容颜宁独好。怅望阻徽音，青云杳晴昊。安得凌风翼，达此盈襟抱。衷心谅如鉴，怀忧怒如擣。

天界寺竹林避暑

禅房暑雨霁，燕息依中林。烦蒸一以除，愜此尘外心。好风从南来，错落鸣璆琳。空翠洒襟裾，肌骨寒气侵。神怡百骸适，境寂万象沉。至理潜宇内，真乐会所寻。嗟彼纷华子，车马徒兢衿。

林中榴花

海榴缀繁英，灿灿中林侧。轻飈颺清芬，微雨濯芳洁。朱明曜南讹，独尔抱中赤。羞为桃李颜，岂羨洛阳陌。佳人不共赏，山僧伴空寂。此君成好逑，猗猗见高节。

灵芝得之华阳山中

客从华阳来，贻我双琼芝。朱英冒紫茎，灿灿烟霞滋。吾闻神仙人，日夕采食之。九转灵液成，五内恒不飢。华阳古仙都，不知种者谁。金光照巖户，遗迹宵莫窥。感君慇懃意，珍逾十朋龟。而我撙世网，愧乏林壑姿。炼服无真诀，欲餐还自疑。飞昇岂不嘉，恐为达者嗤。树之阶庭间，聊以慰所期。

过三山

三山势峥嵘，积石何稠叠。龙宫极幽阻，洄洑窅深黑。波涛浩澎湃，喷薄卷晴雪。彩鹢乘长风，临流歌利涉。微茫石林表，隐隐见阊闔。疑有神仙人，冥棲在巖穴。誓欲往从之，餐霞受真诀。奈此尘鞅羁，云萝迴相隔。扣舷一长啸，天水渺空阔。

过鹭鸶湖用谢元（玄）晖寻句溪

平湖澄素秋，晴空走群螭。烟树莽无际，微茫周四垂。兰舟泛容与，凉风漾轻漪。洲渚递迴薄，蒹葭纷支岐。渔罾挂返照，倒影光陆离。锦鳞跃涡盘，流盼倏已移。婣娟采莲唱，楚词翻竹枝。欣此佳景繁，谁云好爵縻。何当遂长往，佇望詠如斯。

夏夜